

摘藻堂四庫全書薈要

集部

欽定四庫全書薈要

集部

御選明詩卷十九

欽定四庫全書薈要卷一萬八千五百十九 集部

御選明詩卷十九

五言古詩四

童冀

效陶彭澤

少無簪組念雅志在丘岑結廬古澗阿栖迹嘉樹林南
軒納朝陽北牖延夕陰踵門無深轍入室有鳴琴良朋
以時至清坐談古今秣田秋向熟濁醪行可斟頃筐擷



園蔬持竿釣清潄歡飲聊共適過滿非所欽

和陶庚子歲五月中從都還阻風於規林二首

我昔少年日無事幸休居佩弦戒性緩每師董安于迨
茲桑榆景始悟失東隅屢將孱弱軀觸冒風波途嚴冬
朔風急夜絕高郵湖豈不幸利涉為計良已疎古人戒
垂堂況我疾病餘前途諒多險欲悔將焉如

仲冬度長淮滉蕩迷所知同行得佳侶乃諧夙所期憶
昨辭京國與子適同時參差各岐路不謂會在茲舉觴

更相屬滿飲不須辭人生如浮萍聚散安足疑

和陶擬古

月落窗牖白日出東南隅披衣茅簷下稍覺四體舒故
山邈千里永念先人廬晨夕蔽風雨少小之所居別去
踰十年豈但田園蕪齒髮日衰暮天意諒何如

美玉韞荆璞三獻泣卞和甯戚扣牛角中夜猶商歌古
來不過士蹭蹬良亦多百年水上漚萬事風中花且復
對尊酒不飲當如何

下士困形役至人得天游尸居一室間心已歷九州所
以驅牛翁不肯飲下流翩翩九苞鳳飲啄崑崙丘一飛
下虞廷再鳴止岐周瑞物不世出安用網羅求

和陶雜詩

勞生無百年知止乃逸豫斤鷄聊自足雲鵬謾高翥所
以邴曼容位高即免去富貴豈不懷能不為身慮君看
嗜利徒末路竟何似驅車下峻坂中路安得住康莊苟
弗慎寧非覆車處保生良有道至要在戒懼

生世無百年我願常歡喜尊中有美酒宵次無塵事寵辱了不知動靜得如意妻孥常在眼親故數相值暢飲送餘年一任歲月駛身後稱善人財產不須置

白日下平陸北風號枯桑塵沙動地起眯目揚秕糠我行在中野況乃久休糧解裝憩逆旅笛聲感山陽舊遊盡陳迹撫事增永傷故山不可見憂來忽無方世事詎有涯且復陶一觴

十月渡黃河北風淒已涼河水深且駛溯洄上呂梁仰

視南鴈飛緬焉懷故鄉
吳葛已十暑楚砧亦三霜
寧知哀暮年轉覺歸路長

和陶歸田園三首

少小樂閑曠被褐守空山
白頭賦遠遊倏已二十年
簞瓢陋巷居安得如顏淵
昨宵偶不寐憶我南山田
平生伏臘資今棄草莽間
豈無升斗祿差以慰目前
妻孥在遠道棄置同雲煙
獨念故山下草屋行將顛
亦知身後名未若生前閑
且復對尊酒一醉已陶然

我家南山下茅屋枕溪曲白頭每思歸此願何時足敗
壁懸素琴荒庭暗棋局天道恒好還世事如轉燭寧知
若木景不返扶桑旭

我昔在田野東阡與南陌時有素心人濁酒聊共適既
醉各歸卧不知牛羊夕醒來眎西牖殘月在窗隙寧知
哀暮年迺復困行役天公如佚老言歸遂耕績擊壤樂
餘年簞瓢敢求益

和陶貧士

人生靡定止飄蕩如轉蓬萬事了不齊誰能詰化工寧
知楊子雲乃媿楚兩龔天運有代謝倚伏恒不同委願
隨所遇胡為計窮通用舍固有命勗哉慎所從

烏斯道

古詩

荊棘開好花娟娟耀芳晨羅生及周道未嘗罹斧斤斧
斤或相加芒刺反傷人朔雪貸其死后土固其根人力
愧孱弱天地胡不仁崇岡有松柏日夕推為薪

猗蘭畏陽盛甘菊慙蟲食昌陽惡溪澗揭車傷土瘠上
有寄生草蒙茸託松柏下有無名花紛披弄佳色尋芳
邈無人空有馨香德

題寒林遠岫圖

游子念故山歲晏不得歸出門見林薄日暮煙火微關
河渺千里猿狖聲正悲況爾霜雪繁鳥道不可躋陽春
固伊邇奈此寒無衣衣寒何足歎所憂美人違

過西山訪章願學鍾聲伯二隱者兼與同遊諸

公分韻得深字

冬雨久不作冰霜謝窮陰予因積遐思於焉事追尋西
山數君子幽居託雲林岡巒負城郭在樂不在深旨酒
罄良覲嘉言諧素心巖花照紋楸松風墮鳴琴詎謂兵
革餘得以疏煩襟人生易彫謝何時續斯今離別奚足
歎願言懷德音

許繼

述懷寄修德

昔遊登四明回望天台峯蒼茫見遠色積翠浮遙空維
時凝雪霽萬里來天風想像瓊臺觀杳在丹崖中真源
隔迷塗曠絕不可通煙蘿冷秋月夜雨鳴梧桐夢寐發
幽感徒嗟塵累蒙王子吹笙侶高情亮誰同清言契夙
心奮策得所從振衣石梁上思躡飛仙蹤佳游復我愆
有懷鬱忡忡猶憐雙飛鶴來候巖前松

澄淵

水色本明照況此靜以深泓澄幾千頃流汞疑元陰空

光碧天合倒景青山沈默鑑不遺物至虛寧受侵願言
寄潛翫湛然契明心

遣興

世道日云降何人激積流於時競靡靡去古良悠悠鴻
鵠有高志一舉橫九州藩籬自云廣燕雀方啾啾

夜宿期王修德不至

城西挂纖月夜色回春逕出門候所思花露沾衣淨悠
悠醉餘意寂寂靜中聽燈暗清漏初煩愁亂孤興

秋夕書懷

高空生夕涼秋意入河漢
馳雲若奔駟明月隱復見天
機感衆物夜色閔深院
鳴葉響蕭颼吟蟲發清怨
追思童稚日膏火事黃卷
撫迹今已非慮深志亦倦
積波惜遷運往節閱驚電
浩浩古人心庶於靜中見

夜宿淨土寺

山空吹夕風暑盡生夜涼
禪宮極清閔天籟過虛堂
煙鐘悄已寂華月未流光
玉繩帶銀漢夜色耿穹蒼
暗汲

石崖溜時聞瑤殿香觸景自不寐卧聽金琅璫

夜歸

夜歸人已卧山月猶在戶驚鵲翻暗叢哀鴻響遐渚風
虛籟靜壑霜肅氣澄宇顧影忽興懷孤身在羈旅

雨中有懷

入春幾晴光物意轉蕭澀冰雪寒尚餘雲陰晝常集清
晨林端望兩目縱所及白水天際渾青山雨中濕飛來
雙幽鳥復向花上立心賞不可同何以舒快邑

雪

山花寒不開庭雪曉還積江南十日春東風未相識蕭
條新柳姿清淺故池色日晏起荆扉迢迢遲來客

夜坐

雨歇宵影澄天清月華素空山秋欲來涼意先在戶蕭
蕭林樾風泠泠幽篁露草蟲亦何知含悽感遲暮深思
無與言美人隔江浦迢迢銀漢章無聲自西去

中夜聞風雨滿林明旦即為重九情之所至輒

見乎辭

夢覺清夜分林塘響風雨虛懷怯病枕展轉心自語重
陽適茲日興感眷時序柔道方彙征嘉名固宜與嘹嘹
冥鴻翔緘緘涼葉委撫迹徒有悲抽思謾無緒登高候
明發新寒薄衡宇黃花滿山籬采采懷儔侶

九日登山

處喧久忘靜臨曠始懷真步登千仞岡眷茲九秋辰餘
滓澄廣澤薄氛散高旻浮空白雲遠冠日丹霞新海嶼

互出沒天峯秀嶙峋清眸窮四遐逸興蕩八垠興懷慨
前古一瞬迹已陳無令東籬菊靜笑悲秋人

對雨

沈沈時雨積冥漠晦平莽卧起人事閑臨軒坐虛敞繁
林滴餘潤曲池散清響去家徒有思出門亦何往山深
亂雲合村暝孤煙上飛鳥望不還空愁結遙想

曉度范家灘

魚梁障清湍水落灘面濶天風石籟秋數里聲聒聒晨

涉思揭厲川廣畏難越浦口人不聞扁舟遠如月寒波
望空霧曉岸指毫末新曙野始分清涼木先脫別離既
舍戚遇景聊暫悅初旭轉滄溟彤霞麗雲闕迴瞻極迢
遞凌步多曲折前念青山行采芝養高節

胡奎

秋夕

月出萬井秋商聲在高樹風條絡緯鳴露葉流螢度天
河一杯水流向西南去坐念素心人佳期渺何處

吳江月夜汎舟

餘霞斂遙岑微靄生近浦江行得涼夜月出鳴柔櫓茫
茫天欲浮歷歷星可數水螢乍明滅沙禽或翔舞此意
與誰同三高渺千古

管訥

聽松樓為國學林敬伯賦

涼飈度中林長松發清響震蕩出巖壑蕭騷納天壤初
疑繁絃作復訝驚濤上倏爾若崩奔悠然亦平廣大音

本無聲至理奚有象復動陽始生姤靜陰已往達人居
高明會茲適真養心靜聽轉聰慮屏神逾爽豈彼塵市
間啾啾局塵坱好招陶隱居山中一清賞

和吳教授晚泊大信阻風

樓船溯流上高帆阻長風大江浩無際一氣何鴻濛回
望天門山峩峩相長雄洪濤走其下屹立西與東不有
浮海歎豈無濟川功大鵬度寥廓斥鷃守卑叢物理固
有定世事徒匆匆張燈啟華筵一笑杯酒中

曉起

真館曉晴初官清遠塵俗怡然對簡編庶矣忘榮辱遙
峯擁歸雲高城澹微旭落盡冬青花江南雨新足

二隱圖

溪上放舟迴山中負薪暇一笑偶相逢於焉遂清話寧
知有秦晉況復論王霸回首總忘機青山夕陽下

秋夜

不寐耿長夜攬衣徒歔歔陰蟲吟近砌涼颭動疎幃素

抱殊未釋清歡念多違豈惟南飛鵲茲夕無所依

病後喜雨謝同寅紀善貝李翔見過

夜月忽離畢今晨雨滂沱秋聲落庭樹水氣沒池荷豈
云三伏中感此涼意多神清體自適頓然釋煩疴明當
謁公館仰謝數經過

過蕪湖望天門山

揚帆下蕪湖梁山在吾目大江從西來天門勢如束川
日波上明野樹煙中綠良朋有佳製每媿貂難續顧茲

欲忘言何以慰心曲

上慈母磯

危石立江中揚帆泝流上潮迴慈母磯
水落和尚港野濶風景明秋淨天宇廣
西望淮山青持杯愜吾賞

趙叟

續蘭亭會補叅軍孔盛詩

暄風播曠宇欣懷託陽春盃祓寄幽暢
虛懷遺世塵擷芳遵丘阿接杯沿澗濱
詠歸何逍遙遐哉仰斯人

涂穎

秋夜和黃典範

遙夜天宇迴，開軒坐前楹。
月華臨水動，涼風滿庭生。
屢惜玄景至，悟茲塵慮清。
疎星明玉闕，委露浥金莖。
流序倏將邁，嘉朋紛遠征。
微才旅羣彥，鳴珮集玉京。
文詞資麗澤，笙磬感同聲。
非比江湖客，馳心搖懸旌。

吳植

寄張國錄孟兼

昔別意何長重來歲華改沈憂誰與娛懷人邈江海
褰衣涉汀洲秋風被蘭茝日夕零露繁芳馨為誰采
嘉會諒難并良辰詎容待思君如明月夜夜望光彩

揭軌

夏日留田家

停午暫休騎道暍投田家風株帶暝姿高樹亂啼鴉
田翁喜客至為摘園中瓜解鞍藉莓苔移席埽落花
相留至夜分煙月石林斜相如方病渴歸路茂陵賒

秋日汴京同馬希穆登上方琉璃塔

東出榛莽間宮城何窈窕悲涼懷故都秋日荒臺沼浮屠出苑邊上跨清虛表琉璃半莓苔五色猶皎皎罌罍映落花觚棱却飛鳥崑崙倚戶陰海色當窗曉珮聲河漢落履齒天香繞野夫方留滯萬染何時了去漢春已深游梁秋又杪登高慨搖落令我憂心悄飄飄茂陵客高興秋天杳綵豪不勝寒仙露知多少落日望江南一點青山小

甲辰三月歸西村

官舍柳花飛羈人謝病歸干戈未定息俎豆焉可為以
茲理還策歸卧南山陲東臯花雨過流水綠生陂聒聒
青蛙響嚶嚶黃鳥啼到家能幾何又告將農時山田與
弟耕春酒任婦攜逍遙田野間日暮返柴扉龐公鹿門
志劉表安能移

吳斌

北遊

青山千里來龍奔出平野逶迤作都城黃河走其下借
問宿遷人在昔何為者云此生重瞳虎關天所假自矜
蓋世心坑秦霸區夏鴻門逸真龍烏江陷騅馬至今哀
怨聲暗鳴海中瀉

唐仲實

送湯生執中

薄暮雲已收微寒雨還作居人念睽離戚戚意不樂何
時竹屋眠共看燈花落

劉紹

登道山亭

名藩跨炎服崇阜極幽爽亭臺納元氣磅礴俯深廣我
來屬初霽心與孤雲往蕭颯海樹秋如聞暮潮響摩挲
石闌古揮霍霄漢上大有本虛空河山一溟漲淒涼乘
槎意迢遞紫霞想濁世誰復然臨風默惆悵

徐一夔

辛丑秋七月曹廣文招同諸子憩西郭景德寺

分韻得半字

野曠天逾豁川平路疑斷不知何朝寺突兀古河岸潭
漚白氣沒林密翠霏亂勝地固清涼火流七月半合并
洵難得通塞奚足算廣文厭官舍亦此事蕭散風櫺爵
屢行蘿磴席頻換但覺清歡發寧顧白日旰吾欲紀茲
游埽塵勞弱翰

包聖

寄姪公翰

彌旬苦局促擾擾曷能止鳴琴不成調攤書聊復已風
定荷氣清日出茶煙紫煩襟望一舒開軒俟吾子

殷奎

不寐

中夜不成寐起来看明月候蟲吟一聲愁腸幾回折愁
腸折還續宛轉如環玦出戶野躊躇商飈倏已發商飈
來何許吹我頭上髮莫吹淚入河添之作嗚咽

春草

東風到咸陽吹起原上草偶然出門去迷却平陵道此
處斷人腸得似江南好

素華

壽寧菴夜宿

偶成綽山遊西風吹落日大田登禾黍高林收棗栗仰
羨松柏姿俯慚蒲柳質石縣王果崖花雨維摩室白雪
浮茗甌縹囊散書帙撫事困誅求拯時乏經術紛爭若
螻螳相持如蚌鷁可憐鷗鷺鼠何異禪處蟲郊居便樵

蘇野服忘巾櫛獨樂五畝園素封干樹橘被酌坐逃禪
銘墓親操筆夢幻前後身道悟中邊密劇談更抵掌展
席成促膝煌煌斗迴杓耿耿月離畢水聲遠澎湃竹影
互蒙密清坐不知疲東方啓明出

朱昇

擬古

霜露悴百草蟋蟀鳴聲悲朔風寒以厲良人久無衣時
服委深篋路遠難致之仰視投林翮還依故巢飛物性

有如此念君歸無期矧當苦寒節坐傷音問違

陸閨

江上暮雨

荻蘆沙上風竹樹山頭霧疎雨忽新涼惆悵川光暮遙
遙孤帆征渺渺滄江渡停櫂問漁人長干幾程路

吳文泰

楚江清曉圖

朧朧曙光啓湛湛楓江白河漢縱復橫分明見秋色天

空爽氣清露濕千峯碧微茫雲夢渚迢遞潯陽宅五柳
高且疎涼風正蕭瑟孤鶴橫江來扁舟正攜客

凌雲翰

畫菜

高田宜種蔬下田宜種穡歲饑與饑同安敢望肉食雨
餘理荒畦甲折資地力會看根本長取之戒勿亟天公
憐我貧此物頗不嗇便如終歲謀十甕擬可得含笑披
畫圖流涎欲霑臆常能齧菜根天下無此色

曹孔章

閑齋書事

林響溪雨來蕭蕭客窗暝瑤琴倦不彈石闌晚猶凭煙
深鳥依樹花落風滿逕隔岸誰誦經泠泠發清磬

鄭真

清流關

我我清流關形勝壯淮甸南來入江海北去通潁汴粵
昔五代餘諸侯日酣戰蟠李有餘枝遐陬寢席莫設險

禦中州紛紛甲兵繕俄傳點檢來威聲炎火煽良將致
生擒面縛轅門獻一笑滁州平凱歌錫芳宴肆令歐陽
公登高情眷眷我行入濠梁居然腰脚倦前登最上頭
目力窮視眇前修有佳句鑿鑿蒼石片風流今百年有
如親覲面臨流一徘徊棲棲雲物變僕夫催進程山風
急於箭

林賜

題翁石山房

玉澗隨處深蘿衣謝時早幽棲同鹿門勝地即蓬島緬
懷京國游却戀雲山好何日賦歸來相將拾瑤草

邵誼

春日同諸子郊行

黔縣設自秦至今少城郭人稱小桃源煙霞護叢薄四
山如龍蟠蜿蜒分脈絡羣居寡喧囂宇宙覺開廓為問
塵網人何如在丘壑

蔣惠

舟中夜雨

蕭蕭篷上鳴
默默篷下聽
聲催寒氣饒
勢逐風力勁
擁衾客未眠
維楫江初暝
不似瀟湘時
令人動高興

宋璚

寄章允載兼柬項思復

憶昔到京畿
與子寓官廨
一見即相驩
不翅舊交快
維時困道途
驅車久行邁
忽逢弛擔初
欣若身脫械
握手坐瓊瑜
軟語慰疲憊
情投比黏膠
意慙甚搔疥
項君數

過余滯下喜方瘥三人互談噓何殊合糾繯驟鑣出游
衍古蹟探奇怪路入青蓮宮駐足聽梵唄薄晚始旋邸
傾倒形忘瘵周詳論書譜從容說詩派凡習尚浮華遺
音日已壞作者固繁夥咸韶混夷韎瀾倒并波隨疇能
救危敗顧余樗散材頻年處卑隘枿鑿乖方圓甘遭世
俗賣人將競嘲譏子乃敷教誡苦言加箴規默默使心
解酒酣示新篇辭源極洶湃却類任公子投竿下羣獐
應知藝嘉禾薈治絕稊稗讀之神駭驚秋蛩罷嘶唱政

圖籍薰陶別還隔遙界欲叩寢食安但復占爻卦浦汭
守衡茅無從豁矇瞶譬諸鐵在爐伊誰鼓風鞴況乃患
沈疴軀命猶纖芥侵尋閱暑寒孱弱乏剛夬精神盡凋
耗面目多腫噲布衾暖閣眠藥貼晴簷晒年來獲告瘳
書齋仍掃灑猿鶴亦爭慶似索煙霞債綴賦詠雕蟲攻
篆學垂薤有時看飛泉四山寂無吳思取古遺經一覽
適炙暎蘭膏繼日晷矻矻驚昏懈視已常欲然進業慙
質齷志須成絲泉未能脫管箴篤信晏安中懷毒極蜂

蠶蚤暮自深省此語諒非實近聞子亦歸親朋樂情話
千里感貽書殷勤馳一介而翁幸康彊愧缺牀下拜執
簡立臺端百壬不敢噫道遠竟莫前動若飛翮鍛歲月
無停輶季秋倏已屆籬菊傍雲肥江山日如畫軒車幾
時來夜雨一燈掛明德正可崇相期各云勸

王紳

夜坐呈正學方先生

銀燈燦餘輝夜氣清於水顧此知心人幸遂盍簪喜酬

酢啟黃封論議析玄理俗眼為之開塵心頓如洗孔明
人中英州平獨知己黃憲千頃波世以亞聖擬德重衆
所推才高莫能比懷賢古即今酒酣熱生耳

入峽

世傳三峽險吾身適屢往蕩舟趨洄流驚濤漾輕槳巔
峯開復合青天細如掌浪急先期程谷空荅漁響回顧
上瀨人吾行若平壤日夕下夷陵祝酒相忻賞

夏日

天氣屬清和幽齋淨於水端居仰聖明俯探玄化理浮
雲馳遠郊重陰蔭書几好鳥弄佳音閑花發奇卉蕭散
有餘情煩襟蕩塵滓

劉璉

遣興

綠鳬水中游白鷗雲間飛霄漢有脩程焉能顧卑微浩
蕩展羽翰崑丘以爲期鵬鷖趨下風尉羅絕張施倏忽
萬里餘摧頽不知歸空林有故巢繁霜日霏霏孤雌哺

黃口啁哳將疇依。豈如戲蘋荇雙栖在漣漪。

秋日旅懷

秋氣生白虹。秋聲入高樹。離離星漢明。杳杳孤鳥度。夜坐不覺久。逍遙散余步。鬢毛動淒風。羅裳怯零露。寒陰日已侵。芳歲聿云暮。瞻言思我鄉。誰與將尺素。

春日書事

雨收春日融。衆草豐且碧。和風拂輕衣。飛花撲行客。晴空搖翠煙。莽蒼見山色。青年豈長住。感此思夙昔。

秋霽

積雨霽郊甸涼風來早秋
蒲柳變冶色寒蛩生暮愁
明月豔素光青山澹如浮
遊目睇行雲感此身世憂
故鄉不可見悵然心悠悠

貝駟

擬古

妾有綠綺琴中含鳳凰音
不彈黃鵠操試作白頭吟
河巾錦鴛鴦比翼相因依
落花隨飄風各自東西飛
物情

有不同貞心以為保春葩折秋霜容華豈常好芙蓉出
綠水見別污池中白壁薦泥塗乃與瓦礫同妾有五色
絲為君製衣裳朝朝勤拂拭夜夜為熏香將心置君腹
知君忘不忘

謝林

題趙承旨竹石圖

竹生盤石間翠色相因依爾節固已完此心終不移如
何玉堂人而有林壑姿涼風雖未至颼然動秋思

初夏寄倪元鎮

溪上夜來雨青林密如霧日出檜栢香沙靜鳬鷺聚野
夫抱琴出喜與樵者遇黃鳥時一鳴綠陰已無數緩帶
受回風蓆帽黏落絮感物發長謠放懷缺清酤胡為勞
其生終歲牽百慮願言廬霍期逍遙共遲暮

孫黃

寄琪林黃道士

雨絕天景佳前楹樹光綠遙憐採芝侶遠在春山曲琴

歌久已斷酒賦何由續有約今夕同開樽掃茅屋

擬古

歧路一尊酒送君今遠行交持未及竟絲管激哀聲冉
冉歲華暮悠悠雲氣征馳車戒往路惻惻傷我情我情
默已傷歡愛不可忘昔為春花妍今為秋草芳秋草芳
有時夫君見無期獨宿坐長夜淚落如縷縻白日儻回
照孤懷君所知

華月散高樹列曜何參差流光射結綺思婦慘中閨良

人涉遠道感歎夜何其清聲發妙曲宛轉有餘哀妙曲
固可聽餘哀知為誰春至桃李妍歲暮華色衰居然獨
處廓顧影久徘徊

離離谷中樹燦燦春華芳枝葉何盛茂忽然隨風揚流
光有彫換物理安可常擾擾路傍子哀歌使我傷杪秋
天氣肅白露結嚴霜攬衣不能寐起視夜何長明月出
東壁衆星羅縱橫歲暮鵙鵙鳴百草青自黃遠道者誰
子驅車登太行太行鬱嵯峨天路無津梁興言念同志

涕下霑我衣

黃哲

秋夜雜興呈涂典籤穎

璿杓運西宇
華月麗中楹
坐知流序易
遙夜秋風生
銀漢呈宵景
金堂含夕清
柔條棲湛露
嘉蕙茁幽莖
撫迹遂成感
如何君遠征
相思雲陽浦
宮堯限玉京
寸心渺何極
搖蕩如懸旌

與伯貞或華二友會

二妙聯英標睠言顧榛莽良晤諧宿心玄談慰幽愴江
靡澹新綠谷鶯聞遠響感此離索情浩蕩煙霞想夷白
抗浮雲臨清延素賞何因繼芳躅一丘同偃仰

舟次靈洲候廣雄飛使回不至

湛露晨未晞秋華被原隰征途夙已戒承命履遐邑桂
水寒悠悠揚帆望不及川鱗想同泳羈羽尚云戢維楫
乖素期臨流重於邑睠然桀溺耦詎灑楊朱泣惆悵芳
菲情日暮空佇立

李德

栖雲菴

石室凝紫煙空洞懸石乳陰崖含風泉終日灑飛雨臨
流結精舍六月不知暑道人養清虛適與高僧處垢淨
俱已忘孰為舍與取諸幻既遠離白雲日相與何當謝
時人來作塵外侶

憶南園

南園蝴蝶飛綠草迷行迹青鏡掃長蛾娟娟弄春碧錦

屏千里夢寂莫愁芳色小字寫長箋鱗鴻坐相隔

柳塘書舍圖

遠山出白雲近水明秋色煙波漫浩浩日暮歸舟急隱
約叢薄間茅茨倚蒼石中有柳塘翁看看似相識

送友回真定

君自邯鄲來復向邯鄲去邯鄲月色好夜照江南樹太
行多峻坂中有羊腸路往來不憚煩知君為親故

種麻

種麻滿東園種花亦盈畝麻生但芄芄花發映戶牖容
華能幾時零落他人手豈如為締綌與君同永久向來
灼灼姿于今復何有

林鴻

感秋

撫劒中夜起氣候何淒清天高白露下北斗當前楹嗷
嗷雙飛鴻隨物亦宵征微禽爾何知寒暑嬰其情始知
玩物化中復念吾生三十志有立一經尚無成緬懷古

哲人信與大運并道在無終始時來暫哀榮感歎不能
寐延首東方明

金雞巖僧室

遠公青蓮宇百尺構雲闕一徑入松蘿山泉濯苔髮石
房彈玉琴清響在林樾夜來滄海寒夢遶波上月微吟
白雲篇高興了未輟未能悟聲聞安得離言說

遊芙蓉峰

密竹不知路渡溪微有蹤懸知石上約定向松間逢物

候變黃鳥菖蒲花蒙茸相望不可即裊裊霜天鐘

經東山別墅

別墅在東山經過感疇昔縱橫醉時墨猶在池上石林
氣颯以涼山容淡將夕緬懷攜手人念念不能釋

終南積翠

終南太古色積翠無冬春陽厓俯荆楚陰壑開函秦碧
樹曉未分蒼蒼散參辰下蟠蟄水龍上有避世人有時
浮爽氣拄笏可攬結安得構精廬談經對松雪

留別諸子

秋堂閔虛寒晚竹引深翠
暝然孤燈坐興至玉壺對天
冷霜滿襟露飲月窺醉曲盡
別意深相看發長喟

別龍秀才

龍生不羈者愛士能開襟
每醉玉壺酒復為梁甫吟訪
余鏞水陽又將歸故林
秋風樽前別落日川上心
四郊已蕭條千里無飛禽
離思苦難說望遠猶登臨

同王六博士宿煙霞觀

昔人煉金鼎此地餘還丹至今風篁鳴猶疑下笙鸞出
嶺訪靈異投山宿天壇一片月色古千秋松影寒醴泉
為我酒丹霞為我餐都無世人夢但佇風中翰夫子苟
有意相期此投冠到家興未已更取吾琴彈

翠簾山天湖

翠簾高凌天峯麓曠且平何年此蟠龍遂成秋水泓呼
吸納元氣溟濛變陰晴雲雷地中起日月波上生上有
空僧巢巖栖煉神形寥寥水月觀洞見心胷明我昔凌

天梯恍若登赤城浮杯動松影發笑回天聲從茲便高
舉永極雲霞情

訪玄章不遇

真僧駐錫處雲牀在西峯應物無所住安知來去蹤今
來結青瑤久向何山逢白日無經聲金颺但鳴松懸思
永今夕杳靄秋天鐘

道中偶詠

林館夕暫休星駕曉仍發沈沈樹若煙浩浩溪如雪白

首倦長途青山笑予拙

宿黃梅五祖寺

佛祖說法處迴與諸天鄰
珠宮歷浩劫桂殿餘真身
登攀訪靈異禮謁知宿因
地遠泉石怪人間猿鳥馴
松杉覆窗戶濕竹清衣巾
花雨出深夜天香來暮春
久知簪組妄思與緇錫親
所希慧燈影為余照迷津

送吳士顯

吳生跌宕人脫略當世事
欲識平生心悠悠江海是布

衣何飄飄孤劒千里至斗酒未及歡看雲起歸思長風
吹古城寒日下秋水分手從此辭車塵望中起

秋夜憶周模

傾蓋一分手沈思長在襟況茲離居夕復此秋城砧露
下葉初落草根蟲又吟雖云感物候終念曠幽尋劒水
東南流故人千里心無因達尺素夢遶青楓林

江閣秋雲圖

山容初斂夕雲氣已歸壑何以散沖襟孤琴坐江閣美

人期不來天寒楓葉落

林敏

晦日稍次山谷

清谿殊險谿石瀨何淙淙尋源竟莫測又復上幾重行
處衆壑盡望中天影空於焉倏含景水木相玲瓏濕翠
翳巾烏片雲起西峯忽忽洞深杳大圓變溟濛飛湍逗
日月急雨隨蛟龍洗心授白鳥息見期青松願因紫霞
祕永諧鸞鶴蹤

晚次流沙河

湖口寒山碧芳草猶未歇扁舟諧遠尋曠然向雲闕北
風蘆葦鳴白日波上沒其時鴻鴈來擁棹蛟龍窟遂歌
滄浪清而乃濯玄髮風氣逗天影蘿雨澤人骨石上彈
玉琴清響在林樾到家興未已夢遶松際月

春日過高逸人別墅

此地有別墅投閑尋隱淪酌君樽中醪笑我衣上塵石
竹拂瑤席野荷清角巾雙松駐白日一水流青春盤谷

憶李愿鑑湖懷季真古有逸民傳非君誰與論

江上送鄭山人

祖帳送離人
勞歌暮煙裏
暝來江上宿
殘日照寒水
清尊醉落花
孤棹依蘆葦
雨翳燈影微
風魚笛聲起
後夜有相思
絨書寄雙鯉

夏夜陪宗兄林八負外雙溪蘭若宴集得夜字
散帙棲鳥時
幽尋憩精舍
天吟風滿巾
露飲月侵夜
煙篠澄遠心
雲蘿翳長夏
回首衆壑陰
杳靄鐘聲罷

趙迪

題浦舍人梧竹圖

吾懷出塵想飛思凌滄洲湘江夜來雨寒色川上浮涼
飄金井夕露滴銀塘秋故人隔千里對此空離憂

幽人獨憩圖

幽人遺世氛心與浮雲薄薜蘿寒可衣山泉時自濯白
雲林下來黃葉衣上落高風不可攀逍遙在林壑

山水圖

蘇耽昔隱處落日惟孤雲青山丹竈前橘井香氣氤湖
光林際斷嵐氣霞外分仙源不可即清思徒紛紛

鱗次堂集送馬自牧歸館

盍簪涉高臺憑高豁千里清樽屬離人年光若流水浩
浩江海心悠悠雲山意天空鳥影寒日落秋聲起對此
渺予懷懸情自茲始

唐泰

次陳山人隱處

獻春始休沐輕策尋幽風煙篠不知路柴扉隱其中雜
花發小礀下映流泉紅冥心聽喧鳥解帶投芳叢誰識
此嘉遯心期黃綺同南軒有餘興月出鳴絲桐

馬德華

題濬州八景詩

錄四首

伍山曉月

蒲牢振東林明月墜西嶺清涵玉鏡明光動金波影巖
扃嵐氣深石像苔花冷目送伍山雲扶桑散初景

歲寒雙秀

蒼松出石罅雙聳如蟠虬聲寒半天雨影落千巖秋鸞
鶴巢樹杪茯苓產林幽顏齡果可制吾將訪浮丘

玉虛仙跡

鬼工鑿巖翠洞闢神仙區玉女雲中下飄然曳霞裾颺
輪逐流電遺跡成丘墟至今明月夕簫聲落寒虛

淇門飛雪

淇水日夜流沙堆積晴雪飛屑滿汀洲凝輝照溟渤寒

通剡曲風白映天上月對景憶山陰停舟歎清絕

錢鶴

題巨然山寺圖

高人造化筆奇槩每相關羣峯獻萬狀一壑分兩山恍
疑景外景迴出窻中窻胡麻堆紫綠瀑布下潺湲遠碧
茸天際晴雲眠樹間卓哉青城樵沖襟寫幽閑手招鐵
笛仙一去何時還

黃本

次徐良夫謝雲林倪處士耕雲王照磨韻

子猷昔訪戴茲事已千秋
沿洄清剡曲冒雪乘扁舟
孰知繼高興乃復有此流
飄飄雲林子采藥偶暇休
因偕浮光翁如仙下玄洲
尋彼孺子宅遠道来溪頭
況值數文彥才質皆清修
相攜至奇境俗侶奚可求
初臨迴川襖復入平麓游
揮觴肆濯浹狎坐相談優
今雖迹已陳乃作佳話留
吾嘗羨當日良會誠綢繆
何人獲佳句夜覽林堂幽
挑燈續吟久寒角鳴西樓

王彞

秋林高士圖

嵐峯半殘陽彩翠鳴林杪僧塢遠鐘微歸人下山少風
杉落葉響驚起棲煙鳥攜手願言還前村月初皎

宋禧

看雲樓

孤雲何處來相對纔咫尺隨風出山去青天忽無迹往
來固無心幽人候朝夕高樓為徘徊無使長相憶

徐尊生

題番陽蔡淵仲散木菴

蒙莊古達士涉世熟憂患著書雖寓言垂戒非誕謾有
生勿為材祇以身試難杞梓堪棟梁何曾保枝幹彼樗
乃散木匠石眼不看終然老山林長將櫟為伴年壽齊
古椿傲晚寒暑換青黃亦所天豈異溝中斷一篇三致
意懇懇義相貫淺窺勿深求千載付浩歎就中一轉語
妙處最宜翫既全曳尾龜復殺不鳴鴈萬事貴無心倚

卷十
伏昧前筭材與不材間至理須剖判舉似散菴人笑齒
為余粲

梁寅

和楊逸人桃林遷居之作

心寂忘塵囂時清樂巖築愛此桃華林葺之杜蘅屋
葛籬延芳藟石梁照淺渌風翔雙白鳥雨卧一黃犢東皋
雜婦子中野見樵牧賦詩雲霞隔攜壺錦繡谷從君以
優游於焉謝羈束

題西山程氏南窗

獨居南窗靜秋木連翠岑鳴琴衆葉下把酒孤猿吟寧
負朱紱願莫乖白雲心羨彼歸田叟高風留至今

擬古

芙蓉在江浦亭亭豔清波雖云出淤泥麗質良可嘉
裳涉枉渚凌風折芳花願言贈君子翫之比瑤華於時
苟不惜顛顛當奈何

我有太古琴千年妙音續七絃何泠泠聽之非促邀一

彈文王操再彈宣父曲聖人宛見之何由躡其躡大道
日以淪澆詭馳衆欲孰思障顏波九州反淳俗夔龍為
股肱巢許邈巖谷窮通各有志於我奚不足

歸息

歸息蒙嶺陽聊比嵩少岑樂此林藪趣遂忘江海心沿
澗攀芳藟入谷聽幽禽流泉響松下潺湲非俗音猗蘭
被徑畹香氣襲衣襟頽景忽西匿浮雲夕以陰暎彼羣
飛鳥翩翩投北林

春陽既和煦時雨亦霑濡原野綠已遍土潤含膏腴兵
戈幸少戢良農日墾鉏戴勝鳴桑林鷦鷯亦交呼嗟我
理編簡四體忘勤劬羔裘媿逍遙梁鵲恥安居素餐古
所誚偶耕良我徒

韓奕

秋齋

林居近冬候雨晴天已冷露蛩啼夕陰風竹亂窗影哀
來身自覺欲寡事斯屏偶此山中人清談坐宵永

夜訪隱者家

捨舟陟伊岸遠思一翛然幽人田中廬高柳當門前微
月照疎雨夜花靜涼天相見愜始願懽言殊未眠

王履

蒼龍嶺

嶺下望嶺上天矯蜿蜒飛背無一仞濶旁有萬丈垂循
背匍匐行視無縱橫施驚魂及墜魄往往隨風吹午日
晒石熱手腹過蒸炊大喘不可當況乃言語為心急足

自縛偷眼羣峯低煙烘浪掩掩日走金離離松頭密如
麻明滅無斷期誰知萬險中得此希世奇真勇是韓愈
乃作兒女啼

陶宗儀

遊鍾山分韻得落字

鍾山毓靈秀寶坊炫丹腹王氣接閨閣冷飈灑巖壑泉
球石罅鏘松籟空中落吐詞極名理摘藻騁奇作嘉會
難重期斯游諒云樂矢言謝囂煩永志在寥廓

擬古用陸國隱韻

古人重節義出處蓋弗苟而我何為者南北事奔走惻
惻懷故里去去成老醜富貴不可期聊以酌我酒
浮雲蔽頽陽涼颺謝繁綠氣化相尋繹百年一何速達
人意有在豈復傷局促且持杯中物對此籬下菊

劉仔肩

贈張時敬還荆南

隨牒適荆土倦游滯京畿謀生苦拙訥事與心恒違朋

傳一疎濶山川復間之音問曠莫達何為遽來斯世故
有變遷歲月成推移顏藻減丹渥衣塵化為緇稍欣披
雲霧復覩聯珠璣意恆苦不早情深發彌遲夕語厭促
漏晨遊恐斜暉論舊已慨歎況乃重乖離春草滿南浦
時花匝郊圻乖人無為懽感物悲路歧昔別已三載重
來復何時幸茲書軌同遠邇無不宜逸足志四海羈禽
戀故枝言念屬繁翰聊以叙所思

下同

題燕龍圖楚江秋曉卷

初月澹微茫猿啼楚江曉
恬風展波鏡千里瀉瀾渺
起語船上人驚飛岸邊鳥
行裝亂填委徒御爭紛擾
川后弭安流天吳沕深窈
陰霾斂遥翳目斷秋旻杳
響柁節歌長翔帆逗風小
人生等萍寄犇涉何時了
旅思協悲端羈情重憂悄
忠沈不可見水弔鳴寒篠
回首噉湘纍蒼山亂雲繞

黃樞

吳子芳楓林牧隱

露晞春草細林遠青楓長中有沮溺徒結廬先隴旁於
焉可耕稼自牧牛與羊搢腰笛竹短插笠山花香犢飽
夕言歸濯足澗月涼喟彼塵世人馬蹄終日忙橫眠綠
草嫩肯羨金鞍光老農願卜鄰持鞭白雲鄉招手金華
仙與爾相翱翔

王沂

由竹壩望錦川桃李春色如畫有懷陳邑令

涉淺上輿梁憑高眺鄉縣灼灼桃李花層層遠皆見兵
餘草根盡此地芳菲徧氣暄雉雙雠景淑鷺百轉邑里
齒故繁絃歌俗丕變懷賢思如渴敷政速於傳孰是潘
安仁而猶宓子賤

望南屏山同呂仲鉉仲實作

游目南屏山逍遙稅塵鞅清溪亂流涉疊巘緣雲上輝
輝瀑泉落隱隱天籟響荒塗理通塞虛室靜弘敞中有
餐霞人長矚御風想不乘緼嶺鶴還顧漁郎舫芝草甘

若飴雕胡大盈掌雖為頽齡駐亦忌流光往永懷山中
遊觀化歷清賞

逮昶

舟下淮水

伐鼓下淮津川光迴暮色數峯雲外青一鳥沙上白悠
悠水驛浮颭颭風帆側舟人有嚴程知我歸朝客

李鐸

題徐良夫九曲櫂歌圖

徐君江海人雅有山林想遠游賦幽尋徘徊脫征鞅長
揖虹橋仙飄飄欲偕往牽舟沂岸迴著屐緣厓上萬壑
風泉淙層巖土花長采鸞載玉笙隱隱遺清響幻迹杳
難窮真源豁而敞永懷紫陽翁忻然契心賞

杜仲之

感興

吾昔搓長絲繫彼渭川竹直釣魚不吞何以充吾腹此
心苟無嗜藜藿亦自足寧使不得魚吾釣終不曲

梁蘭

題素扇

團圓復團圓月圓尚有虧致身君懷袖無有盈虧時知
君重貞素采色亦不施物微幸相親願言常自持寒暑
固代謝用舍適其宜古來婕妤怨此意君諒知

幽居懷友

幽莊白晝靜居人寡來往高樹落疎陰深泉生逸響把
仲惜景光微吟荅清賞因之懷遠人悵然起遐想

侯楊生不至

逍遙下荆扉臨清曳行屨之子胡不來何人傷沙步秋
日滿高林幽禽啄黃葉

鄭挺

擬古

秦箏一何哀中有淒涼音纍纍孤臣操咽咽嫠婦吟晨
霜為之寒浮雲為之陰聽罷復三歎不覺淚沾襟披衣
步庭臯嘉樹鳴曙禽嗒然吾喪我情與海水深

鄭榦

寄宋仲珩

鶯斯桑下飛青鳥海上游如何不同調羽翼有短脩故人昔相見時時話綢繆出入念同車無衣念同裘一朝參商如豈不懷百憂初盟儻不渝在遠情愈周但願似夙昔烏用苦相求

張端義

送張吳縣之官嘉定分賦得錦帆涇

風吹闌閭城花落錦帆涇錦帆去不返春流日夜生故
人在何處恨滿城邊路月明烏夜啼霜冷丹楓樹涇水
抱城流直通東海頭布帆挂落日相送練川游

顧協

待鶴

白鶴去何之想在蓬萊頂月下漫沈吟衣沾露華冷夜
久不歸來立盡青松影


梁灝

寄董宗輔

東江去悠悠送子孤行舟
舟行復幾時江鄉生遠愁
海水無定影萍踪忽飄浮
雖非千里別出門成久游
采采芙蓉花欲寄無輕郵
念昔攜手好中情鬱綢繆
商歌寄逸響素琴鳴芳州
如何曠高躅杳若隔山丘
馳情託絨素日暮風颭颭
無由慰離索一鴈橫高秋



御選明詩卷十九



總校官庶吉士 臣侍 朝

校對官檢討 臣蕭九成

謄錄舉人 臣傅瓌芳

欽定四庫全書薈要

集部

御選明詩卷二十

詳校官原任主事_臣李斯咏

欽定四庫全書薈要卷一萬八千五百二十

集部


御選明詩卷二十

五言古詩五

陶琛

過徐良夫耕漁軒次倪元鎮韻

西山久思往經春復逾秋
迴看岸傍樹尚繫煙中舟
日月倏飛騰不異川波流
至今遠游興浩然殊未休
東風江上來沄沄水生洲
便欲引雙屩飛行紫巖頭
如何苦



蹉跎徒睇雲路脩谷鳥在林杪鳴聲亦相求今君展清
讌胡不邀同遊開館集羣彥翩翩文采優相逢尚難得
況茲旬日留懽然對樽俎情意兩綢繆嗟彼丘壑賞豈
顧茅茨幽愁來發清詠獨倚城南樓

題徐良夫耕漁軒

朝耕在東皋暮漁入西渚匪惟衣食營適此自成趣平
湖映明月膏腴亦滋雨荷鋤肆微勤操舟更容與所欣
生物遂不計力勞苦耦耕二三叟可以為儔侶文史雖

不通田事亦能語有時煙水間去來更無阻每見波上
鷗飄然欲輕舉歸來愒軒下再喜尊有醕妻孥走我前
梨栗飢盤俎一觴聊自進且復慰情緒願茲終餘生達
者何足取

余震

九月廿一日偕范孟學李德興訪徐良夫耕漁
軒是夕乘月過溪寺登擁翠方丈分韻得下字
商焱發清秋孤月耿深夜玄賞悟真情況幽林下蕭

蕭殘葉飄瀏瀏飛湍瀉驚鵲鳴高枝流螢遶空榭芳絃
既已歇佳詠豈云罷復與道人期逍遙宿精舍

月下聞琴別邵先生包秀才

孤光澹燈室微煙繞香几誰彈膝上琴夜半離聲起瑟
瑟度涼風泠泠寫秋水流音松竹外却憶空山裏

吳中

白鶴山

吳興多名山茲山特奇秀不知自開闢陰陽幾昏晝云

有未髭僧冥棲刻蓮漏香臺儼有在祥室已新構松下
伏神龜竹間走飢鮑白鶴不受招仙蹤亮難究伊昔屢
登臨空翠濕衣袖窮慘不知疲幽討寧嫌逗巖扉與澗
戶一一為重叩和詩寄山靈餘生敢多又

沈應

題深翠軒

葺茅面遠峯開扉在深樹綠葉映圖書春陰滿庭宇我
記昔來遊林蘿乍收雨掃塵坐青霞焚香酌芳醕俄然

鳥驚喧零亂舞翠羽夏景信已闌此地未知暑脩脩涼
籟吟似應琴中語意適念慮清徘徊不能去

吳倫

苔溪春曉圖

夜聽溪上雨曉看溪上山雨歇山更佳尚在空濛間白
雲掩疎鐘綠樹迷遠島居人想未起村村自啼鳥

賦得秋江送別

秋陰日易夕江空歲云晏惻惻傷物情悽悽屬昏旦聳

秀林際峯流響雲中鴈煙蕪銷遠綠霜楓炫餘粲時芳
遞哀榮人事更聚散方敷金蘭契遽念蠨蛸歎夙駕嚴
霜寒晨起明星爛揚船子夷猶伏枕我羈絆那知惜睽
離矧復值憂患愁吟不成章一辭媿能贊

方孝孺

齋殿觀書恭侍閑燕且承賜文嘉勞無任感服
謹賦詩一首以抒下情

無為運王化虛靜契天心神情既昭朗外誘安能侵齋

居閑道妙端拱肅冠襟超然萬彙表儼若上帝臨竹素
粲盈前羣言恣窺尋遐思自知要博采仍鉤深嗜古忘
飢渴好善踰球琳冥觀會衆理抗志珍分陰俯仰周乾
坤眸息貫古今人爵已莫並天貴誰能任賑糴散倉粟
贖人捐府金政教洽四境蒼生歌德音文昭聖明喜誠
格鬼神歆陋儒荷龍光避席瞻旒簪垂歡惠顏色灑翰
嘉忠忱瀚海茫無涯豈復資蹄涔譬彼一簣土寧補泰
華岑受恩徒徬徨憂懷鬱欽欽鴻勳希旦奭令名仰回

參日新崇大業濟世同舟霖

休日奉陪蜀府諸公宴集

居閒歎時邁閱世知才短頻為觀國遊每覺歸期緩羣
公盡耆英過從殊恨晚他鄉親故稀骨肉不在眼非資
談詠歡孰使離情展大藩仰仁哲政化崇寬簡長日自
優游茲辰況休澣牲醪出珍賜果蔬隨物產一觴偶相
酬萬慮皆可遣貴同周士肆狂笑晉人嬾語樂天趣深
心清市塵遠新秋欣已至毒暑行將斷靈雨席上來微

涼座中滿明時古難遇良會世所罕各勉存令猷垂聲
繼伊管

閑居感懷

鳴鳩知天雨乾鵲知天風蟋蟀最無知亦悲年運窮云
何當世士憤憤溫飽中變故如波濤浮湛安所終
鳳隨天風下暮息梧桐枝羣鴟得腐鼠笑女長苦飢舉
頭望八荒默與千秋期一飽亮易得所存終不移
乘時功易立處下事少成君看蕭曹才豈若魯兩生賢

豪志大業舉措流俗驚循循刀筆間固足為公卿
竊竊衆所憂不踰衣食間孰知溫飽外可憂非一端賤
憂道難行貴憂名不完誰能斷棄此自樂如孔顏

上巳約友登南樓

生意忽滿眼不知春淺深良朋曠嘉會濁酒難孤斟
迨城上樓高朗宜遠臨曷不一舉趾縱望淵與岑
逍遙羣動表舒豁萬古心古人已寂寞繼者應在今
蘊真有至樂外慕非所欽願言領衆妙無為鬱沖襟

偶爾遣意奉呈同學諸君子及示叔貞秀才

累物擾靈府澹然無所為家貧自鮮營萬事俱不知食
祿餘一斗粗給菜與糜秫田亦糞耕有酒供四時門多
儒雅客暇則斟酌之相對靡俗言共談止詩書遐情或
深契歡笑同解頤孰謂千古遠其人如在茲於心有至
樂天地亦可遺未知軒裳貴詎識勢位卑彼美要路仕
賢勞耀輕肥窮通各有適寧論是與非

感橙樹有作

并序

秋林道傍有橙樹處荆棘中不知幾何年會增置
驛舍芟夷堂基斧斤幾及遇識者知其為果實之
美也獲免築室既成正值窗牖間結實纍纍然可
愛過而見焉感而為之賦詩

橙生蜀山裏蕪沒荆棘場荆棘忽翦除孤根虞見傷幸
遇識者顧扶植不忍戕築室適在茲窗牖正相當花垂
素雪盛葉茂青雲張方秋氣盛肅原野飛早霜衆木不
復榮百草已罷芳纍纍枝間實爛爛半青黃摘置樽俎

間几席有餘光豈惟巴人羨南服亦罕嘗
鬼裁帝王宮
異味來萬方何以解煩渴甘酪間蔗漿
此物儻前陳玉
食益馨香可令積疢蠲坐見人情康
惜無先容者盱彼
塗路長遇世良有會處已貴安常歲寒善自保
用舍隨
行藏

栽柏

迂拙乖世用每蘊無窮思取效非目前
遠與千載期翠
柏信良材成長計功遲茲晨斲煙雨移動盈尺姿
清廟

嚴潔地聖靈會于斯豈無杞柳輩不足當堦墀殷社風
所尚古制非人為先師實殷人植此理固宜但恐枝幹
弱不耐風霜欺培護苟無失終見盛大時五年過人長
十年齊桷椽百年必合抱根深柯葉滋青霄泊鸞鳳厚
土蟠蛟螭豈特傲寒暑將堪閱興衰所托況得所永免
斤斧危既膺顧盼榮復與翦伐辭寥寥百世後神物相
扶持何必為棟梁乃見才氣施流光若飛翰時代易推
移行看好古士追說種者誰我生素多病中歲早孱羸

待為鶴髮翁見女凌雲枝志士用心者獲落為世嗤何
如羣兒巧插槿紛成籬

次鄭好義見貽韻

赤驥困皁櫪垂頭避駑駘王良振長轡蹴踏風雨開古
來功名際何代無奇才當其未遇時誰免蒙塵埃丈夫
諒有命勿使心顏頹

幼安老丘壑千載想高情鄙哉華子魚軒冕良可輕功
名世不少孰與節義并至樂有天貴苟得非吾榮臨風

發長歎欲為智者評

題山水

昔隱林壑中不知林壑美今來在城闕見之心輒喜
楓林新受霜茅茨隔秋水安得呼扁舟遨遊五湖裏

楊柳渡

殘月渡遙天涼風在高樹人行野色分鳥嘯巖光曙
川平愜幽眺勝境遺塵慮日出小舟橫依依楊柳渡

宿夾江寺

窗開覺山近院涼知雨足淡月透疎櫺流螢度深竹心
空慮仍澹神清夢難熟起坐佛燈前閑抽易書讀

追次文公先生歲暮宴集韻

靈臺湛無為一念寂不起外物紛相交飛揚千萬里哲
人善操養淵澄復山峙所期天爵修詎以貧賤恥豈無
華軒客膏粱飫頑鄙道義竟無聞放浪徒自喜滔滔從
俗化悄悄為誰美知言世所難感歎何時已

賢豪居廟堂四海為興起時乎有不遇淳風化閭里用

為江湖流處作喬嶽峙所逢異通塞內省無欣恥紛紛
夸毗輩患失誠足鄙屈身營所欲易愠復易喜人生貴
聞道外物豈真美千載簞瓢生令聞傳不已

鄰父攜酒相飲

夷惠俱可慕清和合天真汨予流俗中豈暇思古人抱
拙恥為佞遇物展殷勤雖無失已尤事過每自嗔鄰翁
偶相訪延坐列主賓為言秫田登願我嘗其新巨榼傾
濁醪雞黍雜前陳持杯強歡飲禮率意態親顧予寡德

業無以給比鄰何階及爾輩媿此風俗淳酒酣述往事
所歷多苦辛却憶全盛時無言指蒼旻世運有隆替玄
造豈不仁父老且少安汝本三代民九重敷政教萬幾
盡經綸行當被嘉澤鼓舞歌聖神

巾山晨望東錢克溫

月落江水明疎鐘發林杪濛濛山氣合歷歷川光曉妙
靜玄化機縱意羣動表悠然悟真趣忽覺天地小是身
本無累萬事相紛擾願識經世情于茲共幽討

閒居偶題

雨歇堦草淨鳥鳴叢竹中
偶無輪鞅過遂與山林同
晞髮庭際日振衣松下風
自非捐世故誰得此相從

勉學詩

驅車入東雒策馬上西京
所遇何表表莫非公與卿
旌旄出廣路百步辟人行
前驅與後擁不絕如雷轟
人生處困阨孰不思寵榮
此途良足樂此任苦不輕
丈夫誓許國身作萬里程
永懷鼎足戒毋使公餒傾

次王仲縉感懷韻

東京多節士我懷管幼安騰身風塵表寵祿寧肯干子
魚不相諒高位屢超遷腐鼠欲見污聞之媿心顏皜皜
由夷姿迴出兩漢前彼哉阿世者變滅同飛煙榮華神
所戲貧賤節斯完此道匪難知胡為人不然

歲除祭先奉懷家兄次文公先生病中呈諸友
韻

日月行不息我亦少安居違家今幾何忽復五載餘微

官誤人事解令親者疎每思別時語不見空中書及茲
歲將闌感歎正躊躇祀先具薄奠撫已懷厥初觴酒豈
云乏獨酌悶難祛寧當解組去御子花間車

練子寧

題黃彥成雲林小隱

有客素肥遯幽居愛林廬結屋依陋巷種樹遶城隅浮
雲南山來清陰覆其閭老柳帶寒色芳蘭露春腴窗深
不知曉樹密室自虛甘貧意自適守道樂有餘娛賓非

旨酒飽食但園蔬流水赴大壑翔禽戀高株物性各有
遂誰能常晏如

黃觀

題江貫道長江圖

離離衆樹深靄靄孤雲碧山色望難窮江流浩無極漁
歌遠渚昏鳥下平蕪夕惆悵涉風波扁舟何處客

周是修

寓言

陰陽分晝夜輪運浩無窮時物更代謝孰知玄化工人
生如夢寐即寤永成空幽觀哀榮朕往復邁旋逢鄙夫
昧達識眇然隨所終賢豪關世運用舍合中庸進由吾
大道退厲吾清風載歌紫芝曲不愧商山翁

程本立

雪佛碑

天花陰墜空平地忽三尺異哉西方神現此水精域胎
非託摩耶意叵勞刻畫乃瞻白玉相安用黃金飾一洗

熱惱心悉依清淨力紅日起扶桑終焉化無跡其無本
非空其有亦非色君看東逝波滄海不可測我來鳳凰
溪古寺久荆棘摩挲雪佛碑碑斷字莫識金石亦已壞
況非金石質萬事等幻影感之三歎息

贈商潛戴珪

釣澤可物色力田亦名科疇云山林士不為漢網羅有
客善沈晦古鏡垢弗磨行貨區寰中遠遊笑且歌驅車
太行坂捩柁楊子渦雪濤接溟渤空翠亘嵯峨險途亦

良苦勝覽不既多得酤百錢酒輒使兩頰酡乾坤一睥
睨萬物如爾何我昔巖壑居幽期結雲蘿今悲白黑染
豈幸青紫拖夷門官舍冷愧爾頻來過將詩勿浪傳為
我自吟哦

出洛陽城

輓輶上天津伊闕當我前連峯左右起奔走相後先古
來五嶽內嵩高極中天儀刑正四表襟帶流三川河山
固王室豈直金城堅漢業此中興周都竟東遷壯遊快

一覽遺跡悲千年積垣舊誰築野蔓栖朝煙

桐溪

梧桐蔭清溪溪水波粼粼上有五色鳥下有黃金鱗秋
雨洗白石春風生綠蘋願學羊裘子時來垂釣緜

劉璟

龜峯春意

振策陟龜峯極目散煩襟攀蘿越巘嶠觀竒擁欽岑氣
和濯柔荑景淑悅鳴禽澹薄白日輝游漾輕雲陰予情

亦何欲物理諒可尋芳菲三春意顛顛千年心持此較
貞脆因之寄知音

高遜志

寄陳彥博奉常

雨收山氣佳日入川光暝岸幘倚孤松飄蕭發清興花
藥紛滿畦桑麻鬱成徑西林宿鳥歸前溪漁棹定曠望
絕人踪坐愛郊原靜撫景念徂春思君一觴詠

題燕文貴秋山蕭寺圖

野性樂山水塵居違素心蕭然困疲役胡能遂幽尋恒
思愜所適勝槩恣登臨秋清景尤曠蒼翠列遙岑霜餘
委蔓草孤秀愛雲林畸人寡諧俗結宇丹崖陰浮念不
煩遣寂寞契沖襟況復邇蕭寺禪誦有遺音簞瓢足自
老簪組知難任披圖憶所歷閱歲茲已深景物匪殊昔
但傷華髮侵何當脫塵躅歸休期自今

燕穆之楚江秋曉圖

朧朧曙光啟渺渺楓江白天空爽氣清露滴千峯碧微

茫雲夢渚迢遞潯陽宅五柳高且疎涼風起蕭瑟河漢
縱復橫分明見秋色翩然鶴夢醒孤舟正攜客

適興

神理固莫測闔闢無時停萬物盈兩間森然咸委形榮
悴從大化胡為勞其生悠悠念往時飛空如流星先哲
邈難逮撫已空無成嚴霜被中園蔓草猶青青晨夕自
游目亦足陶吾情

鄭桓

翩翩紫鳳雛贈方希直赴漢中教授

翩翩紫鳳雛羽翮備五彩徘徊千仞翔餘音散江海於
焉覽德輝濟濟鏘環珮天門何嗟峨羣仙久相待晨沐
晞朝陽夜息飲沆瀣如何復西飛去去秦關外岐山諒
匪遙啄食良自愛終當巢阿閣庶以鳴昭代

林右

題植芳堂

雅心慕幽潔蒔芳此堂陰端居寡俗好庶得觀物心苑

彼徑寸苗弱質恐不任靈雨及時降春榮萎以森晨興
荷吾鉏逍遙步前林俟時冀采采敢使蕪穢侵靈均世
云遠高蹤邈難尋興言遺遠者媿匪瑤華音

郭鈺

夜坐

庭虛初月上樹響微風入棲鵲聽猶驚流螢墮還拾沉
沉寒漏滴隱隱餘鐘急坐久不知疲涼衣露吹濕

晚坐

宴坐庭樹夕悠然
愜清賞月生微影
橫風入繁枝響啾
啾歸鳥集隱隱疎
星上倏爾朝復昏
流光遞來往

題盛懋畫

遠島映微紅疎林
帶寒綠石上一些
關溪邊兩茅屋輕
風花落地細雨雲
歸谷側耳試閑聽
疑聞紫芝曲

對雨有懷方內翰

小齋頗幽僻窗扉
亦宏敞新槐簷上
綠細草堦下長輕
紈散煩溽覃葛生
清爽寂無人事喧
但愛雨聲響涼颼

動蕭瑟薄靄生莽蒼悠然發孤咏笑自鼓掌緬思同
心人吟懷共清賞

唐之漳

會慶堂

飄飄山上雲乃在谷中藏風吹萬里去何當還舊鄉阿
翁昔居鄉黑髮坐高堂手栽堂前樹日夕望陰涼不意
偶飄逐雲路浩茫茫阿翁今來歸樹已如人長閭里相
慶賀出入有輝光東畎種菽粟西畎種稻粱南畎種菅

麻北畎種柔桑收稻持作飯采桑持作裳上以輸井稅
下以奉蒸嘗阿翁有兩兒兩兒復有郎蟄蟄宅中居婉
婉有義方阿翁升堂坐子孫列兩傍阿翁出門去板輿
相扶將日入始言歸侍婢獻羹湯人生貴慶樂此樂殊
未央傳與翁後人守之慎勿忘

石鼓詩

并序

洪武丁卯秋九月余在燕城觀石鼓因賦四十韻
已巳三月鄉友趙撫謙氏持墨本來京師俾余錄

諸卷尾

郡學舊辟雍中有岐陽鼓古今所聞十左右各惟五離
離大星隕兀兀壞雲補累累營竈滅落落陳沙聚質若
切玄玉制若覆冷金氣若鎔五金文若斷釵股孤峯割
秋瘦干葩耀春嫵森嚴列戈矛爾雅冠章甫厓冰溜靜
懸海暖浪掀舞摧輶半折軸敗舫或遺艣小龍彭蠡歸
大鵬扶搖舉斲苔明碎錦古墨漬潤礎思昔委秦郊雷
電驚草莽耒牛礪其角鑿臼加以杵幸今依黉宮星日

照廊廡圭壁遜其儀俎豆與之伍脫非天意憐或是神
明祐深簷白晝永老屋祥鸞翥晴連畫戟陰冷濕宮牆
雨諸生獲講解髦士資訓詁啟鑰煩豎閣搨本利商賈
韋辭表姬周韓語懷李杜雄章迭鏗鉤遺恨寄酸楚紛
紜歐蘇作詰屈鄭吾譜稱評雖靡定仿像詎非古鯁生
千載下匏繫三江許神徒馳周南足不出城府適從遼
碣役遂作幽燕旅平生慕竒聞一日獲嘉覩初臨色愈
莊欲狎氣斯沮如親至東都揖讓申與甫如親與田獵

搏攫兕與虎如虛藜覓腹烹太牢肥羜如洗蜩蟬耳聆
笙磬祝敵羈愁破昏懵喜氣決眉宇時維躔壽星歲甲
在彊圉天寒號鴟梟城荒茂禾黍宗周本余懷覽古亦
天與摩挲重圖訓蹶踣愧庠序聊陳曹鄴風式繼韓蘇
武

解縉

墨菊

春苗茁芽露貞脆無異姿濯濯等鮮妍猗猗競華滋秋

風颯然至殞落紛蓬茨獨茲異衆草烈士當艱危佳色
不為豔貞心常自持稟性夙已空造化無容私

楊士奇

漢江夜泛

泛舟入玄夜奄忽越江干負景頽西林列宿粲以繁凝
霜飛水滴回飈蕩微瀾孤鴻從北來哀鳴出雲間時遷
物屢變游子殊未還裋褐不掩脛歲暮多苦寒悠悠念
行邁慙慙懷所歡豈不固時命苦辛誠獨難感彼式微

詩喟然興長歎

同蔡尚遠尤文度朱仲禮楊仲舉蔡用巖游東

山

步出城東門逍遙望雲巘累月懷佳遊茲晨遂登踐梵
宇繞層阿飛樓凌絕峴方塘涵湛碧喬林茂敷衍繁翳
幽莫通丰茸紛不翦攀磴窮高躋緣逕屢回轉是時微
雨收輕霞澹舒卷睇遙素橫川俯夷綠盈畎陟降體自
便顧睇心已緬況接曠士言復偶釋子辯析空理弗昧

違喧抱逾展何因此間棲永今浮慮遣

永豐曾氏龍潭

開軒面澄潭潭水綠於染其下蟠蛟蚪四時興有滄嘉
樹羅葱蒨煙霞互舒斂晴漪漾春牖涼颼含暑簟俗轍
謝經過書卷恒不掩探微心有得行素道無歎消搖視
天宇油雲馳冉冉庶跂沂上樂誰當歎與點

題劉逸人樂耕卷

理生雖異業居世皆有務治本既在茲食力余所慕九

扈春始鳴興言向田墅初來正溝塍爰方藝禾黍雖有
耘耨勞三時足甘雨歲功聿已成屢豐報田祖儲峙何
必多取具充寒暑有酒可同歡時時會鄰父既醉去悠
然登高睇平楚一為擊壤謠游心緬千古

楊溥

宣德丙午扈駕巡邊途中感興

膏車度重關重關路漫漫兩廂既充輶四牡何盤桓翹
首望前軌迢迢不可攀任重難為力臨歧發長歎

楊思敬東郭草亭燕集

芝蘭本同氣桃李自成蹊感彼歲易邁肯與心賞違迢迢禁城東桑麥連重畦聯轡縱遐覽我懷浩無涯惠風煦澄景微雨浥芳姿人生有至樂舉觴歌於斯

黃淮

雜詩

蒿蓬相因依飄飄逐風起風力有時息零落在泥滓蘭蕙幽且清揚輝被芳沚白露凝為霜華葉亦披靡蒿蓬

何足歎慨此蕙與蘭蘭哀有餘馥猶足奉君歡

李至剛

題王孟端送行圖

汀洲杜衡歇南浦西風生美人鼓蘭楫路指江南行南
行向何許東望吳松去吳松秋水多綠遍芙蓉渚渚外
九龍山山邊三泖灣人家臨水住日暮采菱還采菱歌
易斷送子愁零亂愁來可奈何思滿江南岸江南不可
思動子情依依皇都春色早遲子速來歸

陳璉

游新安爛柯山王喬洞

峨峨爛柯山日夕生紫煙仙人啓洞府澗水導其前
白石寒齒齒幽篁靜娟娟紺露泣瑤席慶雲集蕙楊冷風
從東來可以散煩悵萬變紛在目汎覽何茫然王事有
嚴戒胡能久周旋振衣下山去滿耳淒鳴蟬

曉發麻沙夾

昨暮維輕舫蕭條近沙渚蓬窗倚薰葭淅瀝鳴秋雨晨

興喜光霽萬象爭快覩雙帆駕順風如鳥插新羽潮來
海氣腥浪起雪花舞行望鐵甕城雲邊見樓櫓

胡儼

擬飲酒效陶淵明

凱風自南來颯然入吾廬翻翻動書帙素琴聊自娛好
鳥鳴前楹竹樹交扶疎北窗適閒曠美酒湛清壺南山
天際明浮雲空翳如

朔風何烈烈塲圃已新築相與納禾稼壺漿輒往復盡

醉舒襟顏形跡謝拘束雞犬鳴深巷牛羊散平陸老稚
雜笑談和樂知歲足盤飧與粃粣墟曲走童僕

村居秋興

草蟲堦下鳴夜久猶未歇掩卷坐閨寥秋聲振林樾人
生知幾何憂來不可輟風吹浮雲開送我半窗月逍遙
步前庭孤螢自明滅

寄楊少傅

囊中孤桐琴負病久不彈玉軫映金徽徒絙朱絲絃成

連去不返煙霧迷海山山水久寂寞諒彼知音難陽春
固寡和別鶴亦辛酸迢迢牽牛星相望一水間

尹昌隆

送孟潛陽先生教授邵武府學

理權辭京都之官越閩嶺樵峯渺何許川塗邈脩迥霜
雪歲暮繁朔風吹雲冷嚴程既難滯別思當自領清波
漾寒色孤帆明夕景已過落星灣遠望杉關境橫經守
清秩郡教知獨秉遐想諸生徒三席待開省

吳溥

題金華宗原常雙溪洗藥圖

洗藥臨溪頭水流溪尾香居人飲溪水百年躋壽康石
路曲盤蛇山花如錦黃日暮攜藥歸香風滿衣裳

王景

古詩三首

皇天無停樞四運迭相迫朝陽忽東升悵望倏已夕伊
誰執其馭六轡不遑息使我下土人俯仰空役役我願

攀六龍駐彼扶桑域遨遊黃道中流光自輝赫萬物同
一春欣欣布嘉澤義和不我與徒有淚沾臆晝短夜乃
長何以屏陰慝

明月出天東團團歷東井不因朝陽輝何以散光景中
涵古桂華期與天地永本體無盈虧清明乃其性常恐
中天雲翳此山河影有如濁水珠棄置誰復省長風一
掃蕩恒若冰鑑炯白玉十二樓照耀蓬萊境

瀛海寰九區咫尺萬餘里神州與赤縣相去還有幾層

峰高矗天大澤下無底平陸走龍蛇白晝嘯夔魑遂使
林林者高下幾歔歛誰能致其平為我屏妖翳鑿山湮
巨壑彌天作平地地平天乃成四時運元氣

和曾侍讀韻

粉署肅陰陰晏坐萬慮息星出金闕高天近蓬萊碧風
軒挹餘清露階泛寒白徘徊自成趣庶以永今夕

王璉

石屋

鑿石甃園菴結構因巖谷危梁琢堅珉濕楚裁寒玉梵
相終無壞明燈自相續掘斷青山根白雲常在屋

王璩

述懷

蚤年蔑知識負志頗傲岸每鄙子張辟常嫌仲由彥浩
氣逸虹蜺高情薄霄漢懸河吐狂談振綺洒芳翰辭胎
珠晶煒出璞玉璫璨羣英見推獎前輩辱稱贊問齒方
在童有髮猶未冠展轉時物非蹉跎歲華換風霜忽淒

厲雨雪亦零亂未縱躍川鱗早鍛凌雲翰顧瞻乏良圖
進退昧深筭豺狼正縱橫虎豹共奔竄一身甘賤貧十
口寄叢灌蒸藜當晨炊掃葉供午爨角巾不裹頭破褐
僅遮骭世途日孔棘家道屢多難百憂遂紛紜萬事總
蕪漫浮蹤學萍漂浪跡類梗斷徒懷濟時略獨抱窮途
歎攜書過海濱負笈客江畔感至恒支頤愁來頻扼腕
今秋看又殘茲夕坐將半哀哀鵲遶枝噉噉鴻失伴青
燈乍明滅皎月方輝煥寒聲撼空窗露氣逼虛幔壯懷

凝欲消歸思浩莫絆驚魚怯舉網傷鳥畏張彈未覩黃
河清空歌白石爛亂杵遞相催羣雞互爭喚出門望東
方漫漫何時旦

秋夜懷沈秀才

螢栖哀葦寒月斂疎蘿暝羈懷悄無懽卧背風燈影露
冷葉聲翻更深人語定欲彈孤桐琴惆悵誰能聽

王洪

擬陶彭澤

我家南山下前有嘉樹林好鳥鳴其巔涼風吹衣襟
泛此尊中酒撫我膝上琴禾黍亦已繁桑麻藹餘陰
如此良易足勞生非所任

畦樂詩

索居南野外頗與人事疎灌木蔭前庭隙地數畝餘
蔬果因時藝薄言理其蕪聊以足晨夕過茲奚所須
固窮諒吾分貪得寧非愚草糗可終身樂哉常晏如

王偁

感寓

商君挾三術西遊詫秦君上陳帝王略邈矣寧見珍陽
春信寡和下里那得親孔轍七十週信哉無停輪我有
縈紆思區區向誰陳

番番南昌尉不知名位卑上書抱區區忠懇何由知靈
鳥鳴朝陽莫為世所希終然吳門市散髮招鴟夷

直木忌先伐甘井忌先竭何為抱區區昭如揭日月至
人善閉關埋照慎不發入獸不亂羣虛舟任超越襄墜

迷帝軒汾陽枉堯轍棲心玄靈臺可與人世絕

我有太阿劒龍文粲奇章精光動星斗揮霍迴陰陽淬
以金鷗鵠衣之古鞶囊夜深雷雨驚恐逐風雲翔剛明
易點缺貴能斂其銍用之如發矧保之在深藏去去勿
復道相期霄漢長

詠史

狐白僅一腋勝彼千羊皮壯士出片言萬諾空奚為毛
生奉平原自脫囊中錐提攜十九人咤彼猶嬰兒一語

定從盟不待日
是時英風被廣座
磊落誠可竒
知人豈不難
長歛聲同悲

賈生洛陽人
年少有遠識
當其痛哭時
漢祚如磐石
其言寔非狂
四座為動色
抱火厝積薪
寢食方自得
長沙卑暑地
自古舞鯤窄
吞舟詎能容
驥足誠窘迫
弔湘見微志
感鵬成太息
浚恒古云客
夫子亦何極
駑駘服上襄
騄駘棄道側
卓哉治安書
遺耀在簡冊

水亭夜懷黃八粲林六敏

孤亭水雲深人境自幽絕七絃罷鳴彈桐陰初上月偶
酌尊中醪高卧望雲闕荷露清角巾松飈濯毛髮寥寥
天籟寒吟詠了未輟志偕南阜隱興藉東山發同心念
離居中夜思超忽

入西山訪張隱士

兩崖噴飛瀑結屋煙蘿裏山人不冠屨客至同隱几獨
鶴海上歸孤雲澗中起淨埽白石牀風來墮松子

送黃紀事濟

寶劍雙轆轤，鏑吐青芙蓉。臨歧一脫贈，恍若騰蛟龍。君
行感我懷，起視雲海空。百年閱幻境，萬里吹飛蓬。登天
覽餘暉，孰挽濛汜東。詩書古有立，貧賤道何窮。常希日
月私，獨負雨露功。長卿卧茂陵，不為世所容。季子黑貂
弊，當年怨秋風。丹徒困布衣，渭水悲釣翁。山松落澗草，
海鶴羞樊籠。大運自古來，俛仰那能終。感茲不成歡，別
去何匆匆。城南登高丘，眺遠情所鍾。一水瀉寒練，斷雲
引歸鴻。中座擊筑心，醉吟氣頗雄。興落遠天碧，思染秋

山紅暎離自茲始夢繞青林楓

秋夜齋居懷唐泰

高梧月未出暝色疎煙裏
雖雖鳴鴈來聲在秋塘水
孤燈捲簾坐寒影對窗
几青空吹微霜瑟瑟動輕葦
援琴不成音感別在千里
誰值晨風翰淮波盼遊鯉

寶山蘭若

山門隱松桂花雨浮半空
金仙青蓮居乃在煙霞中
石竹覆紫苔四壁泉濛濛
因窺一燈影宴坐萬劫同
衆籟

清梵音浮塵愧微踪願言別苦海永矣投禪宮

龍寺寒泉

靈源泌寒泉乃在翠微頂中有脩鱗蟠白日煙雨暝山僧習止觀木客照孤影子亦洗心人坐來白雲冷

晚宿雙峰驛樓與故人陳哲言別

山暝煙已斂林涼月初生扁舟泊江汜候吏欣相迎登樓引孤興開筵坐空明杯分斂溪綠簾捲雙峰青几席湛碧流蘭氣浮冠纓泠泠露叢鵲中夜四五驚偶因念

物性終焉感吾情十年懷一枝三匝棲未寧茲晨胡為
哉又逐孤雲征良宵一邂逅明發增屏營蕭蕭衆籟寒
萬壑同時鳴緘辭別知己解纜搖行旌

舟中望匡廬

茲山東南美植立雲霞中九疊縈秀色萬古青茸茸我
懷志靈竒絳帆喜相逢林端望飛瀑天際數雲峯香爐
紫煙滅玉鏡澄湖空飛翠落巾袖毛髮疏天風顧此逐
行役無由訪仙蹤長詠遠公傳坐憶東林鐘

龍州道中

微生易為役，遠節恒自持。
夙興戒前征，萬里役南陲。
迢迢古龍州，山獠雜羣夷。
浮雲翳兩曜，衆壑昏陰霏。
由茲望明都，尚隔天一涯。
淹留暫停騎，促刺心不怡。
所愧子桑戶，中林人見稀。

王恭

舟次鐔津

木落川氣涼，鴻飛水容夕。
微燈射遠沙，夜榻鄰幽石。
月

色棲處寒霜花坐來白遙見九華峯蒼蒼但蘿薜

初秋同叔弢彥時遊崇山蘭若

習靜厭紛擾幽尋給孤園倏然香林下似得桃花源一
鳥落天鏡千花秀禪門紛吾道機淺謬接甘露言月色
隱秋思荷香清夜魂終希偶緇錫永矣超塵喧

虛白子水墨圖為陳思孝題

開圖見嵩少妙趣忽已領濛濛花源陰窈窕多靈境石
洞閼苔紋天窗逗雲影迎秋鷗冠涼先雪荷衣冷長夜

何所聞龍鳴在西頂

偶書醉樵扇頭

幽谷夜來雨，遙岑積鮮雲。
山光與潭影，清暉并在君。
佳期發琴興，念爾鸞鶴羣。
何為解蘿薜，悵然坐離分。

梅城小景

滄江湛回流，荒城出花嶼。
海色明遠洲，嵐光過新雨。
漁家孤笛秋，煙火疎林暮。
漠漠天際帆，蒼蒼鳥邊樹。
若人靜者流，持竿得真趣。
取樂非取魚，日斜忘歸去。

高棟

將歸龍門留別治城諸遊好

海水與別意相看更誰深
長風向東來吹我東歸心
悵然舊山雲蒼茫遠洲樹
一鴈飛晴空翩翩又東去
此別非萬里後遊當幾時
銜杯不盡歡握手翻成悲
我去聽寒泉君留釣臺月
唯有長相思因之寄天末

九月八日郭南山亭宴集

海國霜氣涼秋聲落遙野
乾坤肅以清收納屬多暇
出

郭尋幽期同人命軒駕載酒入翠微憑高憩層榭蒼山
橫黃雲大江天同瀉飛雨霞際晴夕陽鴈邊下江山滿
陳跡今古成代謝千載同一時黃花笑盈把酣歌林壑
暝新月松蘿挂高興殊未平臨風獨悲吟

嶠嶼春潮

瀛洲見海色潮來如風雨初日照寒濤春聲在孤嶼飛
帆落鏡中望入桃花去

衡江夕露

金夕日人二
卷二十一
大江白露下秋氣橫滄浪夜色不映水微風忽吹裳孤
舟待明月時聞蘭杜香

同羣公餞鄭五秀才至鼓山寺分題贈別賦得
臨滄亭

劣窮海上秀中峯開禪宮飛亭掛空翠直上臨方蓬溟
漲在几席天光映簾櫳目極萬里外但見清濛濛曙色
從東來晃然靈境空登臨豈不偉別意歎無窮

賦得羅浮霜月懷二逸人

海國梅始白飛霜動鳴鐘寒空一片月掛在羅浮峯夜
色不映水清光與之同百里皆瑤華千林閉幽風蕭條
巖際葉嘹唳雲邊鴻遠客起遥念滄波思千重夢迴明
鏡沒寂歷聞幽蛩

秋江離思送朱大之京

暮色帶遠嶼大江浩悠悠臨分未能別紅葉滿汀洲夫
子何所適綺紈上國遊涼風吹飛旆沙路鳴紫騮載酒
江上石把杯對高秋遥山微雨晴夕陽在孤舟海鷗去

翩翩焉能狎羣鷗青雲可翹首滄波正安流

春碣幽亭

林下雲水香幽亭識花氣相看話所思春色令心醉之
子尋幽期孤琴入空翠

賦得燈前細雨贈別鄭浮丘得雨字

野館昏色來明燈靜深塢故人惜睽違共此尊前雨寒
影明遠心夜聲帶離苦飄蕭初拂席颯沓仍近戶重靄
濕餘芳宿雲暗平楚明發送君行淒淒滿南浦

水竹居

清溪入雲木隱處林塘深微月到流水泠泠竹間琴虛
聲起遙聽天影澈遠心余亦鸞鶴羣將期此投簪

綠楊雙燕圖

三月白門道垂楊千樹花君看雙燕子飛去入誰家門
巷失故壘時來拂枝斜春風更相惜莫與亂栖鴉

王褒

題秋林泉石圖

高林頗深邃遠洲亦縈紆風景亦何異中有隱者廬陽
崖落日明陰磳浮雲虛耕野見秋火扣舷聞夜漁竭來
塵網中機務日相拘念茲膏肓疾媿彼泉石圖抱拙謝
簪紱養素宜琴書俯仰天宇寬所樂恒有餘

陳亮

夏日過石首簡天石老禪

世界日多門馳驅厭塵雜駕言尋招提雙屐蚤已蠟霜
餘葉盡飄回首見孤塔入門謁金仙鐘鼓響鏗豁吾師

投迹久終歲一舊衲曾從大方遊已悟世外法深居行
無取問語終不答竹影覆經房茶煙繞禪榻天寒日苦
短千嶂夕陰合笑別虎溪頭松風起蕭颯

秋暮懷劉宗魯

海國別來久長懷瓊樹枝閑齋坐幽獨悵望秋風時自
非物外人邈焉難與期空傷綠華歇坐惜白日馳對酒
更愁予勞歌空爾思

夜泊古崎

寒山夜蒼蒼
清猿數聲響
風生蘆葦鳴
水落洲渚廣
月落知潮來
時聞人蕩槳

王紱

送楊得昂

我適桑乾歸
君猶五溪去
飄流若萍梗
何由復相遇
迢迢江上山
歷歷煙中樹
後夜月明時
相思渺何處

題秋菊軒

九月霜露零
秋氣已云肅
草木盡凋瘁
而有籬下菊

粲如有情盈盈抱幽獨我欲餐其英采之不盈掬呼兒
具雞黍白酒正可漉素心二三人於焉敘心曲陶然付
一醉萬事亦已足咏歌柴桑詩千載有餘馥

寫竹寄贈顧教授祿謹中

秋聲起巫峽暝色迷湘渚悵望千里遥佳人渺何許幽
期邈難值欲往復延佇中夜獨遐思西窗颯風雨

題成趣軒

桑麻日已長稼穡日已成門巷蔭榆柳隔屋縑車鳴生

平寡營為遂此田園情衣食喜不乏公賦尤寬平舉家
情欣欣澹然忘世榮力作雖云勞濁酒時共傾豈意事
高尚所樂安吾生

雨中過歐陽編修館題竹木畫上

我生本寂寞況茲久羈旅偶君素心人來往迭賓主秋
聲動高樹暝色渺煙渚孤館坐題詩蕭蕭正風雨

題畫

衡門掩秋色苔徑淨無塵人跡雖罕至簡編良可親脩

篁度涼颼高梧落繁陰時應散幽寂採藥過中林

臘日

大化無停機寒暑如循環歲華忽云暮陽和亦已還人
生百年內憂喜互相關顧非金石姿安得長朱顏達人
會斯理意與雲俱閒聞道媿獨晚哀也吾何歎

錢仲並

題王夢端畫送祖韶石歸惠山

危石壓寒篠高松挂枯藤長懷故山景況見故山僧僧

今歸故山我歸嗟未能題詩送僧歸悵然離思增

中秋翰林夜集分韻得月字

雨餘殘暑謝夜久官事歇庭空起商飈雲霄吐華月於
時秋方半古桂黃初發玉堂集僚友清燕足怡悅送鉤
行觴頻分韻催詩切玉輪懸中天光輝轉明潔有如坐
冰壺爽氣徹肌骨微聞更漏響漸見明河沒人生寡歡
會負魄亦易缺莫辭通夕玩動是經年別

梁潛

雜詩

春山佳氣多白雲滿芳樹幽徑絕塵蹤落花映深戶微
雨洒林落東風長蘭步之子招不來滄洲日將暮

鄒緝

翰林院齋宿聽琴詩并序

永樂三年春正月丁未上將祀南郊誓戒羣臣致
齋三日百官既受誓各就宿別館於是侍讀曾公
日章修撰錢公仲並徐公孟昭檢討蘇公伯厚沈

公民則暨無錫王公孟端與予凡七人皆會宿於翰林之公署於時天宇澄霽月色清朗諸君子相與秉燭坐於公署之東偏沈公善琴因請鼓之作商調數引舒徐安適淳古澹泊有三代之遺音坐者聽之莫不心暢神怡乃相與分韻賦詩以紀其事且要孟端為之圖云

禁直夜迢遞齋居澹無為同心聿來集良友具在茲懽言適嘉會秉燭坐彈碁華月照虛牖微風動綺帷上客

發幽興援琴揮素絲一彈孤鶴舞再鼓心神怡清商既
激烈雅調亦舒遲秋鴻唳遠空猗蘭芳歲蕤俯仰極餘
韻邈與高山期燕賞亦云洽傾耳遂忘疲沈吟永終夕
逍遙起遐思仰觀庭戶間爛然明星垂旭景不知曙永
言歌此辭

蘇伯厚

偕諸公齋宿聽琴作

玉署宿齋居盡簪諧素約坐中有鳴琴宮商時間作波

澄楚江秋露下九皋鶴流泉響幽澗靈籟起寥廓維時
雨初霽微月映疎箔爐熏輕煙裊燭花紅燼落春風送
餘寒夜久覺衣薄清談雜今古亦足資一噓相對竟忘
眠更取茶甌淪雞鳴整朝冠晨鐘動高閣

畦樂詩

青山遶我屋垂柳蔭我門來往絕塵鞅世事邈不聞惟
有衣褐徒鄰曲相與言孰云生計拙亦有數畝園清晨
荷鋤去除彼蔓草根但使無饑饉豈惜筋力煩濯足清

澗濱矯首觀飛雲
牀頭有濁酒欣然自開尊

熊直

立秋後有懷京洛諸故舊

秋序昨夜至炎蒸尚復然
青山不改色黃葉墮我前
物性固細微乃得氣之先
人生宇宙間俛仰終百年
質非金石固豈得恒雕鑄
朱顏亦易失皓髮無由玄
念我平生友聚散如雲煙
行止固不齊所賦良由天
昨尋東籬菊欲買南山田
安分乃吾事富貴甘棄捐

陳亢宗

夏夜獨坐

赤日墮西嶺萬竅生夕陰鮮月發華滋流雲倏銷沈攬
衣中庭下孤坐忘夜深螻蛄恣亂聒蚯蚓亦長吟涼颼
西南來泠然度中林沈抱方迫塞少焉沃煩心高誦停
雲篇緬懷慰知音

素忠徹

和寔郎中罔竺庵見贈韻

夕雲斂餘暉稍稍歸鳥集清磬林際浮樵歌峯外急懷
人南斗邊露下銀漢濕瑶草春復生深山共誰拾

劉廌

孟春贈徐仲成

故人訪幽居時當孟春節寒氣尚嚴凝同雲靄欲雪長
論懷始舒高吟興不絕開窗對松竹蒼翠色可悅豈不
念榮華泉石甘守拙閑門有餘暇開卷對前哲長歎古
今事理義同一轍世隨氣化遷運逐人情別雖非聖賢

姿勉焉慕貞潔皜皜且獨守默默誰與說惟有知心友
時過共揆揭但願無聞知豈敢尚英傑援筆賦新詩舉
觴對明月高歌神鬼驚長嘯天地濶彭澤千載人百世
誰能越高山與流水此興不可遏

曾滌

冬日扈從還南京隨駕出麗正門馬上作

朝隨六龍駕遠別黃金臺萬乘出都門旭日靜浮埃翠
華正飛揚玉輦從天回羽林羅猛士夾道馳雲雷回首


望玉京城關何壯哉海水向東流西山鬱崔嵬上有五色雲垂輝映蓬萊壯遊愜周覽欲去仍遲徊策馬天仗間夙昔長追陪古來詞翰臣豈但鄒與枚至今百世下聲譽揚九垓

呂梁洪

洪流昔懷襄區域信茫昧斯民靡寧居嬰此昏墊害呂梁塞衝波滔天勢橫潰怒霆鬪鏗勺飛瀑瀉澎湃神哉夏先后敷理乘四載沛然導東注下與百川會造化有

設險惟此乃其最扁舟泝奔流涉歷今已再水師身手
捷徑渡良足快緬懷胼胝勞遺跡遠猶在偉茲疏鑿功
萬世終永賴

御選明詩卷二十



總校官庶吉士臣侍朝
校對官檢討臣蕭九成
謄錄舉人臣傅瓌芳